



光州志卷十五

直隸光州知州高兆煌總修

師儒志

人才之興起由乎學校學校之振厲視乎師儒周子云師道立則善人多善人多則朝廷立而天下治矣周官大司樂掌成均之法以治建國之學政而合國之子弟焉其鄉學則有鄉老司之以致仕之大夫為父師士為少師而董其事者則為鄉大夫遂大夫蓋無地不設之學無人不納之教也秦燔詩書學校之

光州志

卷五

師儒

制蕩然漢文翁治蜀起學官於成都市中令子弟之秀者受業於是武帝時乃令天下郡國皆立學校官置子弟員令郡國縣官謹察可者與計偕諸太常受業元帝時郡國置五經百石卒史平帝元始三年立學官郡國曰學邑侯國曰校學校置經師一人東漢以來郡國皆有文學掾曹魏初興並使州縣立教學之官梁武帝時置博士祭酒到州郡立學元魏郡置博士二人助教二人學生六十人後令大郡立博士二人助教四人學生百人次郡立博士二人助教

天懷尚存侯國置學
銅鑄在馬大書局
獨得真傳
光緒二十九年
高兆煌

四人學生八十人小郡立博士一人助教二人學生六十人下郡立博士一人助教一人學生四十人郡縣之有學自此始矣隋仁壽元年詔廢州縣學唐府郡置經學博士一人掌以五經教授學生京郡學生八十人大都督中都督府上州各六十人下都督府中州各五十人下州四十人京縣五十人上縣四十人中縣三十五人下縣二十人凡州縣學生皆聽州縣長官選補長吏主馬宋仁宗卽位之初命藩輔皆得立學其後諸旁郡願立學者詔悉可之慶歷四年

光州志

卷十五

師儒

二

以叅知政事范仲淹請乃詔州縣立學本道使者選屬官爲教授不足則取於鄉里宿學之有道業者熙寧四年詔置京東西河東北陝西五路學以陸佃等爲諸州學官仍令中書采訪諸路有經術行誼者各三五人雖未仕亦給簿尉俸使權教授他路州學命近日選薦京朝官有學行可爲人師者堂除逐路官令兼所任州教授仍置小學教授八年秋詔諸州學官先赴學士院試大義五道取優通者選差元祐二年詔內外學官經任年至三十方得在選三年又詔

官學教授諸嘗被舉可爲學官及中十科中可爲師表或可備講讀者仍官已升朝年至四十乃得爲之紹聖元年詔歲舉堪任諸州學官員須嘗中進士或制科年及三十者若制科及進士第在上五人禮部奏名在上三人府監廣文館第一人或從太學上舍得第卽皆不試而用餘並召附吏部春秋試凡試兩經大義各一道以通經善作文爲合格元諸路各設儒學教授一員學正一員學錄一員其散府上中州亦設教授一員下州設學正一員明洪武初詔天下

光州志

卷五

師儒

三

府州縣皆立學府置教授一人訓導四人州置學正一人訓導三人縣置教諭一人訓導二人教授學正教諭掌教誨所屬生員訓導佐之凡生員廩膳增廣府學四十人州學三十人縣學二十人附學生無定數生員入學初由巡按御史布按兩司及府州縣官正統元年始特置提學官專使提督學政南北直隸俱御史各省叅用副使僉事又各府州縣置學田學倉以供廩膳生員修膳先是教授學正皆從九品洪武十三年改學正爲未入流二十四年定儒學訓導

位雜職上

國朝定鼎之初各府衛州縣學置訓導一員以法教授學正教諭後以征勦吳逆軍糧不繼酌裁天下冗員及各項冗役大學裁訓導中學裁學正教諭後又全復康熙四十三年

聖祖

仁皇帝諭教職官員必文學明通方稱厥職近見直省教職官內不諳文學者甚多如此何以訓士著行文直省該撫將各屬教職官通行考試分別具題遵旨議定嗣後教職由部選後赴撫臣考試其考居一二

光州志

卷十五

師儒

四

三四等者令其赴任五等令歸學習六等革職雍正四年定教官由撫臣考校向例居一二三四等者令其赴任五等者令歸學習但四等文理荒疎未便令其司教嗣後令三等者仍照例給憑赴任考試四等五等者俱令解任學習三年再行考試六等者革職至錢糧詞訟係州縣專責教官未定考成但該教官果能訓誨約束則士習漸端自無抗糧興訟等弊嗣後各學教官所屬文武生員除受誣被告及實有冤抑切已不得已之事申訴控理外其有倚恃衣頂抗

欠錢糧并捏詞生事唆訟陷人等事該教官卽行申詳州縣及督撫學臣免其叅處如縱容徇庇不行申報者事發將該教官題叅照溺職例革職如該教官果能盡心訓導歷俸六年之內所屬士子無前項過犯該督撫學臣據實保題准其以應陞之缺卽行陞用又奉

世宗憲皇帝諭凡縣令改受教職者因其不勝牧民之任例當罷黜念其讀書攻苦選授一官不忍遽令廢棄是以改爲教職俾居師儒之席以展其所學此朕格

光州志

卷十五

師儒

五

外之恩也况教官有化導士子之責較理民之任關係尤重伊等應當殫心竭力以盡職守倘因改授教職之故志氣隳頹諸凡怠忽著各學政查叅從重議處今

皇上乾隆元年升教授爲正七品學正教諭爲正八品訓導爲從八品奉

上諭教職乃師儒之官有督課士子之責素蒙

皇考

世宗憲皇帝加恩優待屢次訓勉且與有司一體賞給封典朕卽位以來念伊等官職卑微恐以冗散自

居不思殫心盡職特加品級以鼓勵之查舊例教職兩官同食一俸未免不敷養廉著從乾隆元年春季爲始照各員品級給與全俸永著爲例又雍正丁未乾隆丁巳壬戌甲戌會試後按省分大小挑取文字明通者以學正教諭卽用其督察考課府聽於府守州聽於州牧縣聽於縣令而縣又聽於所屬之府與直隸州我

朝加意學校董正師儒可謂至矣其武學之設始於宋仁宗時旣而中輟至神宗熙寧五年建學於武成

光州志

卷五

師儒

六

王廟以兵部郎中韓穎判學內生員以百人爲額自是遂有武學明洪武時置大寧等衛儒學教武官子弟正統中成國公朱勇奏選驍勇都指揮等官五十員熟嫻騎射幼官一百員始命兩京建武學以訓誨之尋命都司衛所應襲子弟年十歲以上者提學官選送武學讀書無武學者送衛學或附近儒學成化中勅所司歲終考試入學武生十年以上學無可取者追廩還官送營操練宏治中從兵部尚書馬文升言刊武經七書分散兩京武學嘉靖中移京城東

武學於皇城西隅廢寺俾大小武官子弟及勲爵新襲者肄業其中用文武重臣教習萬歷中兵部言武庫司專設主事一員管理武學近者裁去請復專設教官升堂都指揮執弟子禮請遵會典例立爲程式詔皆如議崇禎十年令天下府州縣學皆設武學生員提學官一體考取

國朝因之其各府衛州縣武童入學額數概視其處之文章入學例亦有應試人少不盡准照文學例者康熙二十七年定武生考校卽於考校文生後踵行

光州志

卷十五

師儒

七

取進武生無武學處照例屬文學教官管理其降黜劣行等事宜悉照文生例行除騎射外教以五經七書百將傳及孝經四書等俾知天義遇試考其騎射文義通曉者方准取補雍正四年定外府州縣衛俱以儒學教官兼武學今八旗新設教官旣轄文生卽以滿洲蒙古漢軍武生兼令管理京衛大宛兩縣武生亦令屬文教官訓誨約束俾滿漢分轄文武兼理原設武學官役概行裁去其現任武學教授訓導俱令離任各照原品另行補用光州儒學額設學正一

員訓導一員廩膳生員三十名增廣生員三十名科
歲兩試文章額取入學俱十五名雍正十三年部議
將汝寧府學額進文章二十名內量減四名歸於直

隸光州令該學政按試時在於該州及所屬縣內一
體憑文酌撥武學額亦如文數自宋以來州之教官

多不可考舊志所載唯一人曰呂榮義元有牛國寶

穎州人有高富卿魏郡人有張琦息縣人明學正洪武初有

張惟一壽州人舉人歷陞北平府知府有傳永樂間有方明晉蘄州人宣

德間有劉襄安福人舉人陞教授正統間有鄧森豐城人舉人陞國子監助

光州志 卷五 師儒 八

教 景泰間有查毅有傳成化間有陳鑾有傳宏治間有楊

恣巴陵人舉人陞穎州同知正德間有周鶴安福人鶴之後有劉

思明嘉祥人思明之後有章真真之後有王鏗宿州人

嘉靖間有劉紀江寧人舉人陞溫縣知縣紀之後有王鏗江夏人

陞八宜縣知縣鏗之後有潘時超永豐人時超之後有劉

達上元人貢生陞國子監學錄達之後有李夢雲有傳夢雲之後有

朱謨有傳謨之後有張露江都人貢生陞武學教授露之後有戴汝

愿有傳汝愿之後有葉尚時有傳尚時之後有陸書常熟人

人陞清江縣知縣書之後有歐大任順德人貢生陞南雄教授大任之後

有高詠永州人貢生陞銜詠之後有彭學曾萬歷學

曾之後有胡從仁山西人貢生從仁之後有薛敷傳敷

敷之後有吳大倫蘄州人舉人大倫之後有陳生芳

浙川人舉人陞知州生芳之後有許明陞杞縣人明陞之後有

陳九成有傳九成之後有俞維屏鄆縣人貢生維屏之

後有王可大涇陽人舉人天啟間任可大之後有趙

賡山西人貢生賡之後有張大猷陝西人大猷之後

有閻學思舉人陞咸陽縣知縣學思之後有米良崑蒲圻人舉人陞恩縣

知縣良崑之後有唐志高祥符人志高之後有蘓納爨

光州志 卷五 師儒 九

驪陵人舉人以上任事年分舊志皆失載

國朝順治四年有吳效恩原武人效恩之後有趙中

選輝縣人貢生七年中選之後有耿念劬杞縣人舉人

詩賦於學正任內念劬之後有范光耀武安人貢生

重有光耀之後有傅挺孟津人舉人十七年任

後有張之奇康熙四年之奇之後有馬奪錦葉縣人

六年任陞餘奪錦之後有李楫二十五年

許士貞字介菴虞城人舉人士貞之後有牛自新原武人

四年任自新之後有詹養貞汝縣人貢生三十

養貞

之後有高曷四十五年任有傳曷之後有申程章破州人舉人雍正三年

年任陞海寧縣知縣程章之後有郭大經河內人舉人五年任大經之後

有馬淑襄七年任有傳淑襄之後有李士訥十年任有傳士訥

之後有袁慶魁睢州人舉人乾隆元年任慶魁之後有李方升縣人

人舉人十三年任方升之後有周肇岐盧氏人舉人十六年任肇岐之

後有毛辨鄭州人舉人二十二年任辨之後有張成已登封人舉人三十年任

成已之後有王楞睢州人甲子科舉人三十一年任訓導明宣德

間有趙勗昌邑人舉人正統間有劉謙景陵人謙之後有徐

順巢縣人景泰間有達子通以明經授鳳翔知府謫任天順間有張

光州志 卷十五 師儒 十

瑄海州人舉人成化間有李茂吉水人舉人茂之後有潘璉仁和人

璉之後有王利宏治間有姜崇之獻縣人陞寧陵縣教諭正

德間有張傑有傳傑之後有王卿西安人卿之後有鄭雲

翀麻城人嘉靖間有封相嘉定人相之後有王士忠良鄉人

士忠之後有呂祥來安人祥之後有張維鞏昌人舉人陞南陽府通判

維之後有王尚忠萊州人尚忠之後有許性德安人性

之後有沈桂建平人桂之後有黃化中監利人化中之後

有鄭充麻城人充之後有吳尚忠六合人尚忠之後有吳

倬黃岩人貢生有逸才善書法倬之後有牛嵩南昌人嵩之後有秦

庸資陽人庸之後有朱馴涪縣人馴之後有郝臣澤州人臣

之後有宋經經之後有孫通餘姚人貢生陞教授通之後有沈

貴建平人貴之後有晁祥陞新蔡縣教諭祥之後有阮時中霍邱人

人時中之後有浦之濬登州人貢生陞之濬之後有

衛邦直荷氏人邦直之後有周世隆鳳陽人世隆之後有

沈道來蒲州人道來之後有林中直解州人陞確山縣教諭中直

之後有周良翰永康人良翰之後有潘杞江西人杞之後

有崔維嶽懷遠人貢生陞巴東縣教諭維嶽之後有曾祿鄖陽人祿

之後有李宸寧晉人隆慶間有王禹德有禹德之後有

光州志 卷十五 師儒 十一

沈炬嘉定人萬歷間有葛伯才桃源人貢生伯才之後有王

世起江寧人貢生世起之後有蘓萬邦嵩明州人貢生萬邦之後

有續大本澤州人貢生大本之後有吳瑞登有瑞登之後

有劉文集江南人文集之後有齊家唐縣人家之後有盧

敏性有傳敏性之後有凌奮忠廣西人奮忠之後有馬文

炳項城人文炳之後有邊誥歸德人誥之後有王价山西人

价之後有焦洞清江南人陞推官洞清之後有左史有傳史之

後有王應禎應禎之後有李茂實陳留人茂實之後有

蕭有聲西華人有聲之後有劉守約密縣人守約之後有

王遇相渭南人遇相之後有張五瑞沈邱人天啟間有張

高儀封人高之後有王震賜河南府人震賜之後有趙屏武原人

屏之後有李悅心南陽人悅心之後有胡起昌江南人

起昌之後有王遵義蒙澤人崇禎間有彭舒翼陽武人舒

翼之後有成應龍四川人應龍之後有董隨鶴濟南人敦厚善

誘隨鶴之後有許淵淵之後有杜秀河南人秀之後有

張樓福建人中河南人樓之後有張克家克家之後有

吳鍾巒有傳鍾巒之後有鄭倡有傳以上任事

國朝順治四年有周念祖輝縣人念祖之後有高托

光州志 卷十五 師儒 三

洪縣人貢托之後有禹謨沁水人八年任謨之後有

馬呈書禹州人十年任呈書之後有閻如璧魯山人貢生

本年奉文裁缺二十一年復設訓導以范儒彥任虞城人貢生清謹自

持以儒彥之後有李昕字旦明汲縣人貢生昕之後有

閻培鹿邑人貢生培之後有仵宗灝睢州人貢生宗

灝之後有楊世培睢州人貢生世培之後有蘓廣業

睢州人貢生廣業之後有傅而襄嵩縣人貢生而襄

之後有侯汝諧商邱人貢生汝諧之後有馬空羣上蔡

人貢生空羣之後有劉志敏扶溝人貢生志敏之後

有何兆渤洛陽人貢生八年任兆渤之後有張自銳臨潼人貢生乾隆八

年自銳之後有孟宏祚裕州人貢生十年任宏祚之後有竹箴

任有傳箴之後有劉滋相陳留人貢生十五年任滋相之後有

張準睢州人貢生二十三年任光山縣教諭明有高遷有傳遷之後

有方通舒城人通之後有孫昌豐城人昌之後有賀

守約永新人守約之後有張懋閩縣人懋之後有諸

諫餘姚人諫之後有周邦熙安福人邦熙之後有劉

泰山陽人泰之後有袁珣潛江人珣之後有陳裕有傳

之後有毛驊有傳驊之後有胡輔贊皇人輔之後有房王

光州志 卷五 師儒 三

節舉人王節之後有王琮掖縣人琮之後有王紳有傳紳之

後有鄭潛龍游人潛之後有丁舉曲阜人舉之後有李梓

芳華容人梓芳之後有方雷龍泉人雷之後有王志喬

華亭舉人志喬之後有胡傳咸寧人傳之後有唐雲龍西安

人舉人雲龍之後有袁文星黃岡人文星之後有郭大

倫定興人大倫之後有陳一能有一能之傳一能之後有杭朝端

朝端之後有李建中蘄州人建中之後有張守約河南

人府人守約之後有劉仲相江陵人仲相之後有劉不息符

人舉人不息之後有張斗樞湖廣人斗樞之後有本

嘉言大理人 嘉言之後有盧學易東莞人 學易之後

有張文光平度州人 文光之後有黃大壯興國州人 大壯之後

有劉嘉言平度州人 嘉言之後有江渤靜寧州人 渤之

後有王好古安東人 好古之後有陳元輔福建人 元

輔之後有殷大白舉人天啟年任 崇禎間有熊鍾章

江西人 舉人鍾章之後有范學顏舉人 學顏之後有馬勲

陞知縣 鍾章之後有李薦佳舉人 以上年

生 勲之後有李薦佳代舊志概失載 國朝順治四年有楊大擢淇縣人 十一年有冀養浩

長葛人 十二年有任君堯柘城人 康熙初有趙醇儒

貢生 光州志 卷五 師儒 五

有十四年有趙文顯洛陽人 十七年有李如斌通許人

生 十九年有李勝任有傳 二十二年有李燠原武人 三

十四年有李周元尉氏人 四十年有張化麟唐縣人

四十七年有鄭洵臨潁人 五十八年有孫鞏閿鄉人

雍正八年有侯執信睢州人 十一年有李維撫太康人

乾隆十五年有谷謙原武人 十九年有苗芳蘭涉縣人

人舉 二十七年有李曰涵滎澤人 三十年有王楠輝縣人

人舉 訓導明初有章貞隨州人 貞之後有蔡斌萬年人 斌

之後有袁修新建人 修之後有金鑑江夏人 鑑之後有

周震吳縣人震之後有陳誌江西人誌之後有崔景清苑人

景之後有張質質之後有錢貫岷州人貫之後有徐時

黃陂人時中之後有王政鄞縣人政之後有陳琦棗陽人

琦之後有周鎬趙州人鎬之後有湯訓舉人訓之後有阮

鳳代州人鳳之後有吉迎長安人迎之後有馬江徐州人江

之後有曹瓘嘉興人瓘之後有王崇德有傳崇德之後有

孫琪長安人琪之後有汪哲景州人哲之後有蒲鉞雲陽人

鉞之後有張從道信陽人從道之後有柯炫貴池人炫之

後有胡琪桃源人琪之後有譚萬珪蒲圻人萬珪之後有

光州志 卷五 師儒 五

張仲進維縣人仲進之後有法愷有傳愷之後有駱書霑化

人書之後有田汝見陽城人汝見之後有唐朝雋有傳朝

雋之後有衛大亨有傳大亨之後有喬推恩山西人推恩

之後有喬松陝西人萬歷間有余仲先平江人仲先之後

有鄭從正石首人從正之後有徐尚仁太原人尚仁之

後有劉天衢襄城人天衢之後有汪之河羅田人之河之

後有馬化龍裕州人化龍之後有汪原亨衛輝人原亨之

後有吳應德唐縣人應德之後有王懋官平度州人懋官

之後有戴一藿儀封人一藿之後有陳嘉謀福建人嘉謀

嘉謨之後有白漢州雲南漢州之後有朱四教偃城

四教之後有李之實鄭州之實之後有趙可人商邱

淑雅可久之後有衡錦新安錦之後有劉誥陝州誥

之後有董九命禹州九命之後有鄭民聚貢生後中

民聚之後有僑文炳貢生天文炳之後有張運禎崇禎

任年運禎之後有史允修允修之後有白瑀瑀之後有

朱動潦勤潦之後有李和元以上年代鄉貫

國朝順治二年有王澤人陽武人三年有劉湛然登封

人貢 十一年有高理伊陽人十六年有羅名儒鄭州

光州志 卷五 師儒 共

生 十八年有胡獻欵禹州人獻欵之後缺裁康熙十

七年復設訓導以王王輅任淇縣人二十五年有余

慎桐柏人二十七年有王度肅盧氏人三十三年有

沈錫祚陳留人三十四年有牛龍文太康人三十八

年有朱紱杞縣人五十年有王勉濟源人五十七年

有張鐸洛陽人六十一年有雷繩武汝州人雍正八

年有文瑞尉氏人乾隆元年有陳世臣鄭州人八年

有高露祥符人十五年有毛青選南召人二十七年

有金殿試永寧人三十四年有翟丙滎澤人固始教

論元有杜元善有杜充誠有潘濬天歷三年有霍士

傑明洪武初有黃俊江西人監助教八年有劉寬傳寬

之後有劉敏吉安人敏之後有費永年日照人於任內

永樂間有姜憲翻陽人陞伊府長史宣德三年有蕭用平有正

統六年有章廣謙章人廣之後有戚儒忠州人儒之後有

朱儀支福人成化二年有何澄有傳澄之後有衛傑山西人舉

人傑之後有房印宗蒲州人舉人印宗之後有孫鏗絳州人

鏗之後有方啟顏有傳宏治十年有冀進有傳進之後有

王仕爵華陽人舉人嘉靖十一年有李文秀號東溪貴二

光州志 卷十五 師儒 七

十一年有李高成號城屏四川人貢生二十四年有陳文祿號中

津臨海人貢生 三十三年有尹欽號成齋烏城人貢生欽之後有熊芝

豐城人舉人陞密雲縣知縣 芝之後有王國南安仁人貢生國南之後

有徐學孟有傳學孟之後有姜篋號侗南丹陽人貢生陞教授篋之

後有張師載江陵人舉人陞靖江縣知縣師載之後有田汝見號三

泉陽城人貢生陞平陽府教授 汝見之後有楊偲有傳偲之後有楊昭

海澄人貢生 萬歷四年有余誦號宏齋天台人拔貢生誦之後有劉

昂號守岑鳳陽人貢生昂之後有包坡號漢陂鄞縣人舉人十八年有劉

衍祉洛陽人貢生二十年有尚鑄許州人貢生二十一年有孫

之錦

臨安人舉人

二十六年有郭如蕪

富順人舉人

二十九年

有申在廷

祁陽人舉人

三十九年有侯應瑜

杞縣人舉人

天啟

六年有蕭附鳳

比直隸人

崇禎二年有冀道隆

青州人舉人

年有閔依聖

孝感人舉人

七年有康春聲

乾州人舉人

十年有

王承惠

蘭陽人舉人

十四年有梁心淳

嵩縣人貢生

國朝順治四年有李維

磁州人貢生

十一年有黃圖南

人舉

十四年有竇相斗

考城人貢生

十五年有王用六

人貢

十六年有王玠

祥符人舉人

康熙四年有邢亮六

人舉

六年有范輝

字實生祥符人舉人

七年有白清

光州志

卷十五

師儒

六

舉人陞扶風縣知縣

十九年有和泰

號怡園武陵人舉人

二十八年有楚

際盛

字於斯洧川人舉人

三十九年有司一經

元愷

舉人

四十四年有賈良知

舉人

六十年有黃愷

止三年有王筍

舉人

六年有褚俟濱

舉人

方

舉人

乾隆八年有李汝彬

舉人

經以下鄉貫皆失載

年有高枚

柘城人舉人

二十年有王世埏

祥符人舉人

訓導元

有孔淵明洪武初有鄧元甫

有傳

元甫之後有李泰

人舉

泰之後有吳晃

應山人監生陞

晃之後有謝昇

昇之後有沈熾

壽州人

永樂間有魏榮

江浦人

陞翰榮

之後有會習太和人陸國子監學錄習之後有會隱太和人陸國子監學

錄 宣德間有王道吳江人道之後有白琮朔州人正統間

有丁傑靖江人傑之後有蕭洪羅田人成化二年有石旻

元城人旻之後有倪源濟寧人舉人陸長史源之後有危源沂州人

源之後有陳祥鳳陽人宏治間有曹能聊城人能之後有

胡昇寶慶人昇之後有陳能歷城人十七年有張淵鄒縣人

淵之後有侍朝陸涼人貢生陸遼府教授正德三年有楊福陽曲人舉

知縣 福之後有孫瑾長安人貢生陸教諭瑾之後有李儀東光人貢

生陸教諭 嘉靖元年有田芳咸寧人舉人陸新樂縣知縣七年有張晟

光州志 卷五 師儒 充

肥鄉人 晟之後有杜宏長安人貢生陸伊府教授十四年有嚴詩

安東人 十七年有蔡縉四川人拔貢生陸教諭十九年有張軫

復州人貢生陸 二十三年有閻昊寧州人貢生昊之後有

陳緒梅寧人貢生二十八年有王育民真定人貢生育民之後

有張仲鍾祥人貢生仲之後有林公養羅源人貢生公養之後

有王得賢濟寧人貢生四十年有王化陽城人貢生化之後有

楊大寬宛平人貢生陸東河縣教諭大寬之後有白子傑陽城人貢生

子傑之後有馮介崇仁人貢生介之後有李文奎鍾祥人貢生

濱州學生 文奎之後有石巍江夏人貢生陸含山縣教諭巍之後有張

文建昌人貢生陞
伏羌縣教諭
文之後有劉慕孔
汝州人貢生陞
齊東縣教諭

萬歷三年有姜第
茂州人貢生
第之後有郭傑
霍州人貢生

之後有張鳳翥
應山人貢生
鳳翥之後有張典
南陽人貢生

三年有董邦輔
富平人貢生陞
臨晉縣教諭
十五年有高贊
洛陽人舉

人陞唐山
十七年有孫率祖
濰縣人貢生
十九年有張好

古
睢州人貢生
好古之後有元聘
湯陰人貢生
聘之後有吳良

能
金華人貢生
二十五年有陳東璧
禹州人貢生
二十七年有

高擢
靈寶人貢生
擢之後有劉尚冠
南陽人貢生
三十年有宋名

儒
延津人貢生
名儒之後有牛尚
新鄭人貢生
崇禎二年有蔣

光州志
卷五
師儒
三

秉銓
蘄州人貢生
三年有彭承蓋
揚州人貢生
五年有鄭人文

榮陽人
貢生
人文之後有張文任
雲南人貢生
七年有曹温恭

新野人
貢生
温恭之後有劉英譽
禹州人貢生
十年有馬循規

禹州人
貢生
循規之後有魏伯謙
睢州人貢生
十二年有田可

登
陝西人貢生
十三年有石三重
杞縣人貢生

國朝順治三年有刁謙
南和人貢生
四年有楚述尼
榮陽人貢生

生
九年有王機發
裕州人貢生
十四年有李繼宣
禹州人貢生

康熙三年缺裁十五年復設以范峴任
貢生
二十年有

焦元旭
鞏縣人貢生
二十八年有馬元正
陝州人貢生
三十

年有許嗣嶽貢生四十四年有冉詵衍貢生於任丙四

十九年有李永顯貢生五十四年有程恪貢生六十一年

有余涵蔚貢生雍正四年有龔之麒貢生六年有郭元沛

貢九年有馬曉貢生以憂去十二年有徐師洛貢生乾隆四

年馬曉復任續志自許嗣嶽以下鄉貢皆失載乾隆十三年有王卓

立登封人十八年有劉永祥臨漳人二十三年有高

必特項城人同年有李鸞翔夏邑人息縣元學正有

曹煥大德十年任有潘君澤至大元年任君澤之後有袁佐四年

任有王鉞至順二年任有張縮有明教諭宣德年有劉浩

光州志 卷五 師儒 三

直隸趙州人舉人 正統年有曾宏懷遠人宏之後有劉閏夏

人舉人 閏之後有陳俞長樂人景泰年有黃傑成安人

天順三年有朱益有傳成化四年有楊名睢州人十四

年有楊海定陶人十六年有李麟望江人二十年有

夏賚有傳宏治年有李真天津人真之後有龐會代州人

生 正德十一年有鄧瑤宿松人瑤之後有張機膠州人

生 嘉靖六年有潘日敏滄州人十九年有曹瓘秀水人

生 瓘之後有何雲元城人雲之後有張汝遷密雲人

汝遷之後有蕭濂黃岡人舉人 濂之後有楊萬初

廣德州 三十八年有周宏迪有傳宏迪之後有劉充道

鄉寧人 隆慶年有李大經歸安人大經之後有劉一

狝富順人舉人萬歷元年有韓覺柘城人三年有余

綦陞成縣知縣四年有謝伯楹保康人六年有趙時霖房縣人

十一年有傅禎定遠人十三年有胡槃安東人十六

年有胡思睿荆門人十九年有鄒思亮麻城人舉人

教 二十二年有莫與京武陵人二十五年有趙民容

巴縣人 二十八年有李汝清鄖縣人三十年有上官

觀國魯山人三十五年有唐虞治有傳四十年有姚大

光州志 卷十五 師儒 三

同舒城人四十五年有梁廷翰有傳天啟元年有路尚

義洛陽人三年有趙全德許州人五年有張士儁有傳

崇禎三年有薛一印韓城人舉人五年有郭大本

通許人 七年有王道行有傳十二年有王試勳江西人

十三年有穰夢周蒙城人

國朝順治五年有賈文選學選之新安人貢 十二年

有楊潤生睢州人康熙十四年有張雯襄城人雯之

後有俞禹年分鄉二十二年有張夏瑚有傳二十六年

有楊思震商水人三十三年有丁汝達洛陽人四十

年有楊道寧河內人 四十八年有彭鴻振陳州人 五

十三年有楊爽新野人 雍正九年有全淨浙川人 十

一年有楊潔新野人 乾隆七年有王廷琮嵩縣人 十

六年有朱光宇臨漳人 三十二年有閉啟運禹州人 十

訓導明宣德年有劉訓吉水人 正統初有胡瑾舒城人 十

十四年有蒙亨瓊山人 天順年有陳伯英有傳 成化

年有姚安鉅野人 安之後有李純樂縣人 純之後有

余寬夷陵人 寬之後有柳瑛泗州人 瑛之後有原宗

善陽城人 二十二年有黃廷桂密雲人 廷桂之後有

光 川 志 卷五 師儒 三

宋傑武安人 宏治年有党偉富平人 偉之後有劉元

山東人 元之後有白尚友內黃人 正德初有方星祁門

人 星之後有陳鏊休寧人 鏊之後有陳範定興人

十年有王弼開州人 十一年有姜宏武陵人 嘉靖初

有徐惠豐城人 五年有王鳳富平人 六年有張欽湖

人 欽之後有張克弼南溪人 十七年有張邦直有

十九年有劉大中長沙人 大中之後有李舉辰州人

舉之後有樊經臨邑人 經之後有李懷仁太和人 懷

之後有謝宏南屏人 宏之後有國翰遷安人 翰之

後有趙時雍長安人時雍之後有羅光祖介休人光

祖之後有梁進忠平山人進忠之後有謝璉裕滋人

璉之後有張九叙潛山人九叙之後有王旆掖縣人

隆慶初有任鵬徽縣人鵬之後有胡棻貴池人五年

有陳芹有傳六年有師賓裕州人萬歷二年有曹廷對

鄭州人三年有宋光宙邳縣人五年有曾玉璽龍陽人

生以文同同年有陳宗堯有傳七年有王廷芝襄陽人同

年有楊益燻潁州人八年有丁鏜鄧州人十年有張

思明伊陽人十一年有常時際陳州人十三年有王

光州志 卷十五 師儒 一 五

洋南陽人洋之後有董九法代州人九法之後有馬

兆龍隆平人二十年有梁謚晉山人二十二年有李

旗富平人二十三年有朱宗羲榮澤人二十七年有

衛自省浮山人二十八年有敖凌霄應山人三十六

年有尹耕莘有傳三十七年有王國治貢生四十二年有

王無忌號繼川尉氏人貢生以四十四年有越其學

雲南人四十六年有望讀盧氏人四十八年有周自

立禹川人天啟二年有耿文華號冲斗延津人貢生

其德士戴七年有白鵠杞縣人崇禎二年有劉宏譽許州

人貢 五年有王宗舜 陳州人貢生 同年有楊惟謹 平陽人貢生

七年有周繩祖 郊縣人貢生 九年有史純王 山西人貢生 十一

年有張國維 河陰人貢生 十二年有任可純 號爽一虞城人貢生

國朝順治三年有王嗣蔭 祥符人貢生 五年有張養純 號抱

一忱邱 人貢生 九年有傅道立 號省初臨漳人貢生 風 十三

年有陳維忠 鄆陵人貢生 康熙初有吳極 泌陽人貢生 極之後

有王化鷗 鄉貫年分失考 二十六年有艾璽 祥符人貢生 二十九

年有郭應昌 獲嘉人貢生 三十二年有紀瑗 輝縣人貢生 瑗之

後有彭宜朋 貢生 宜彭之後有崔縉 貢生 縉之後有彭開

光州志 卷五 歸儒 三五

宗生 開宗之後有扈重寅 貢生 以上四人年分鄉貫皆失考 雍正五

年有李縉臯 襄城人貢生 十一年有劉之溥 澠池人貢生 乾隆

七年有劉以澎 睢州人貢生 十七年有蕭崖 魯山人貢生 二十

一年有李輔宸 洛陽人貢生 二十八年有傅訪 汝陽人貢生 三

十年有呂思治 閩鄉人貢生 三十二年有陳化龍 滎陽人舉人

商城縣教諭明萬歷年有毛塾 舉人 塾之後有劉汝載

人汝載之後有馬三才 四川人舉人 三才之後有黃鐸 晉江

人舉人 陞獲 鐸之後有尹廻 漢陽人舉人 廻之後有李延

麻城人舉人 陞 羅定州知州 天啟年有趙之琰 雲南人舉人 崇禎年有

寶敬禹 貴州人 敬禹之後有高雲漢 密雲人舉人 陞廣東左布政

使雲漢之後有顏三省 清苑人舉人 陞禹城縣知縣 三省之後有

孫述曾 貴州人 述曾之後有李維叢 林縣人貢生 以上任事年分

舊志皆 失載

國朝順治四年有王慎麗 寧海州人貢生 六年有韓璞 武安人舉

入十三年有周之縉 南陽人貢生 十八年有陳璿 洛陽人貢生

康熙五年有強國籓 陳留人貢生 十一年有張涵 洛陽人舉人

十二年有劉元吉 商邱人舉人 陞狄道縣知縣 二十二年有張估

商邱人貢生 二十五年有耿德 太康人舉人 二十八年有李伸

光州志 卷十五 師儒 三

灑池人 三十年有陳六典 安陽人舉人 三十九年有李睦

杞縣人舉人 四十八年有朱瑄 尉氏人舉人 五十四年有楊聖

言 靈寶人舉人 雍正九年有孫恂 汝陽人舉人 乾隆四年有黃

佑 尉氏人舉人 十一年有劉燕貽 鄆陵人舉人 十四年有趙八

士 獲嘉人舉人 二十一年有周裕元 密縣人舉人 二十五年有

苗芳蘭 涉縣人舉人 三十三年有陳禧 通許人舉人 訓導明萬

歷年有王中選 中選之後有周詵詵之後有李蔭 東山

人貢生 陞滿城縣知縣 蔭之後有張藻 鄆陵人貢生 天啟年有顧風

節 彰德人貢生 風節之後有周應時 麻城人貢生 崇禎年有熊

維禎江夏人 維禎之後有劉灝泰興人 灝之後有連

璧壁之後有周光祖 郊縣人陞山東 光祖之後有岳

九韶陳州人 九韶之後有孫同理有傳 以上任事

國朝順治三年有腰素端傳有 八年有王顓璞封邱人

虞城縣 十三年有唐四表傳有 十六年有靳師蘓汜水人

教諭 十八年有牛天命許州人 康熙二十年有牛龍文

太康人 二十三年有彭貞維夏邑人 四十四年有黃

銓臨漳人 五十一年有靳以璿虞城人 六十年有董

榮溫縣人 雍正二年有李洛睢州人 七年有李枚商

光州志 卷十五 師儒 三七

人貢 十一年有劉樞鄆陵人 乾隆五年有劉伯龍滑

人貢 七年有呂卞封新鄉人 十三年有畢慶五寧陵人

生 十八年有渠大章永寧人 二十四年有張宣武陝

人貢 二十五年有孫繼謙臨漳人 四屬廩膳生員各

二十名增廣生員各二十名科歲兩試文章額取各

十五名歲試武童額取各如文章數學田州共一百

九十畝有零一在金家壑一百 一在潘家店十五畝

毫 一在劉伶寺七十五畝 係知州熊偉陳王道置

光山學田除荒徵熟現止有四畝五分固始共二頃

六畝五釐一在東鄉長樂陂一在東鄉傅家集一在
東北鄉殷家灣一在西鄉楊家集一在西鄉土橋舖
一在西鄉九里溝一在東鄉郭家岡又知縣包諶順
治十八年捐置東北鄉田一頃七十畝息縣無商城
其一頃二十一畝八毫按校官之職雖微而其樹一
方之師表爲國家培養人才其責不可謂不鉅諸第
子雖現未有出身之階而爭勉爲有用之實學異日
爲國家作楨幹其屬望不可謂不宏爲之師者必經
明行修盡心迪導始可以陶鎔夫多士爲弟子者必
樂羣敬業砥礪廉隅始可以馴致於有成明呂氏坤
曰居是官者能知教官是正己率物之身諸生是世
道生民之賴正其心術端其趣向教以立身行己之
法迪以濟世安民之要使居鄉則爲端人正士出仕
則爲良吏忠臣不愧俊秀之才堪爲社稷之重教官
如此乃爲稱職嗚呼觀於此則知學官之責之鉅也

光州志卷十六

直隸光州知州高兆煌總修

公署志

古者軍行有衙乃尊者所在後人因以所治爲衙凡衙署之設以爲敷政臨民之所堂陛翼翼庭楹殖殖豈徒以飾觀瞻謀燕息已哉明邱氏濬云上而朝廷則有宮闕下而官府則有廨宇上之所居尊嚴則下不敢輕忽上之所居有定在則下知所趨集上之所居有統會則下有所聯束此必然之勢亦自然之理

光州志

卷十六

公署

也惟王建國辨方正位設官分職王者向明而治下及公卿大夫命士各有專司者亦莫不然周官大宰以八法治官府鄭註云百官所居曰府此則今官署之所也漢建尚書百官府取天上南宮太微之象名曰南宮而曹參傳避正堂舍蓋公胡建傳諸校列坐堂皇上韓延壽傳騎吏父來至府門不敢入是漢時官署之制秩秩森森已可概見矣唐蔡詞立虔州孔目院食堂記云京百司至於天下郡府有曹署者則有公廨柳宗元嶺南節度饗軍堂記云開閣階序不

可與他邦類必厚棟大梁夷庭廣門然後可以上充於揖讓下周於步武而唐書房瑄傳瑄歷慈溪宋城濟源縣令所在多典利除害繕治廨舍頗著能名是唐以來亦無不以官署爲重也宋太祖開寶三年詔聞諸道藩鎮郡邑公宇及倉庫凡有墮壞弗卽繕修因循歲時以至頹毀及傭工充役則倍增勞費自今節度觀察防禦團練使刺史知州通判等罷任其治所廨舍有無墮壞及所增修著以爲籍迭相符授幕職州縣官受代則對書於考課之籍損壞不全者殿

光州志

卷十六

公署

二

一選修葺建置而不煩民者加一選明時歲於地丁銀內扣留支項修理衙署至我

朝各府州縣俱有辦公銀兩衙署歲修資之公費大修則估計其需費多寡特疏題請俟工部核定得動正項銀興工乾隆三十年本省布政使佛公德奏各官衙署定例造冊交代些小滲漏坍塌卽令隨時粘補實係年久傾圮必須拆卸大修需費浩繁者亦照城垣之例委勘具題覆准興修現今各省城垣悉遵聖訓各就情形次第修整實足以資保障而壯金湯惟

官員衙署完損不能一律如督撫藩臬暨新設移
動項建修各署尚俱完整道府各署間有殘損其丞
倅以及州縣等署類多傾圮推原其故以創建年久
官經疊易其中才幹有爲者猶知隨方補葺若性情
鄙樸甘於簡陋兼之署事等官尤視衙署爲傳舍畧
不經意卽至頽缺繼任之員雖欲整理而工料費繁
難以措手止稍加修飾取蔽風雨而已伏思衙署之
設固資以辦公實爲該員等任址究與城垣有間如
悉請以正項動修誠難遍及若任因循不治亦非長

光州志

卷十六

公署

三

天恩一應官署除現本完整並近年動項建蓋者照例
仍令自行粘補外實係年歲久遠朽壞傾圮必須拆
卸大修者令其詳明照依各項工程之例委員確勘
按其官職衙署之大小悉照原有之數詳晰摺節估
計所需銀兩准於司庫開款內酌量借給動工興修
著該管上司稽查毋許少有浮冒工竣委驗結報咨
部考核所借之銀計其歲得養廉量以十分之二道

府州縣限以三年丞倅等官限以四年分年按扣歸
款該本員有陞調事故卽於後任接扣如此通融調
劑次第修復庶官署日以完整帑項不致糜費且於
體制觀瞻均有裨益隨奉

上諭據佛德奏各省官員衙署自道府以下不免間有
殘損其丞倅州縣等署類多傾圮請通融酌辦准予
借動閑款從容扣還一摺衙署爲辦公之所蒞事親
民觀瞻攸係豈可任其歲久傾圮不加修葺乃各員
在任或安於簡陋惟事因循或視同傳舍畧不經意

光州志

卷六

公署

四

則公廨必致日久頽廢勢將何所底止佛德此奏尚
屬可行著各該督撫就該省情形通盤籌畫除現在
完整並近年動項建蓋者毋庸置議仍令自行粘補
外其實係年久坍塌必須購料修理者准予借動閑
款各按舊制酌量興修計其歲入養廉分年扣還俾
公私均有裨益可於各督撫奏事之便傳諭知之佛
德摺併抄寄閱看欽此今直省各督撫仰遵

諭旨飭令各道府州縣衙署以及丞倅佐雜廳廨遇有
頽缺之處莫不各隨其儀制之大小借支養廉整飭

完好足以肅邦憲而正大體矣光州署在北城前街
舊傳爲春申君宅址宋知州梁季泌創建元末兵燬
明洪武五年知州余勝重建弘治十四年知州張輝
重修正德七年寇燬知州李鏗重修崇禎十四年寇
燬知州徐映春重修其制大堂五楹前有捲棚三楹
及東西公廨堂左右爲司房爲銀庫前爲戒石亭又
前爲儀門門外西偏爲賓賓館前爲譙樓堂後爲川
堂爲三事堂左爲翊政閣後爲內宅有廳曰二思樓
曰望雲東西廂房共二十有二楹牆之外有夾道置
光州志 卷十六 公署 五

舖舍五以巡警

國朝順治二年知州李葆玉重修儀門五年知州徐
化成重葺大堂改題望雲樓爲鳴薰樓後康熙二十

二年知州張信重新大堂及吏役房四十四年知州

王植於三堂東建正廳五楹顏曰心遠堂雍正十三

年知州徐立御改建書吏房於大堂月臺下東西各

五間

以舊基建倉

乾隆十年知州高鑿修葺譙樓又於心

遠堂後建廳五楹曰退思軒堂南左建亭一楹曰古

香亭二十年知州吳一嵩重修大堂二十五年吳一

嵩改建大門五楹移譙樓於大門左先是譙麗在儀
門前磚砌高三丈餘延五丈袤三丈中開洞爲大門
上建樓三楹中設鐘鼓聲聞十餘里自唐宋以來相
沿歷數百年一嵩以形家言改建今制三十二年知
州高兆煌卽鳴薰樓舊址建後廳五楹臺崇三尺三
事堂右爲西園內有桑樹一株係明以前物樹西前
庭三楹後庭三楹又西有書室三楹其建置年代
舊志皆失載州
判署舊在州治儀門內西偏乾隆二十一年移駐烏
龍集在息縣東一
百六十里卽以州治舊署變價移建於二十

光州志

卷十六

公署

六

二年報竣其制大堂五楹堂前捲棚三楹東西皂隸
房各一間前儀門三楹又前大門三楹堂後二堂五
楹東西門房各一間再後三堂五楹東西廂房各二
楹迤東書房三楹廚房二間周圍垣高五尺三十一
年圯於兩州判胡昌暘詳請借帑補修三十二年州
判戈雲巖經修報竣三十四年春雨三堂及東西廂
房復圯知州高兆煌及四屬捐資重修仍復舊制吏
目署在州治儀門內東偏大堂二堂久圯雍正十三
年吏目趙承頰重建二堂五楹乾隆十七年吏目沈

仕澹於二堂迤東建草房三楹廂房三楹三十一年
吏目王遠於二堂後創建三堂五楹東廂房三楹二
堂迤西書房二楹學正署在明倫堂後乾隆二十三
年知州吳一嵩助學正周肇岐重修訓導舊係僦居
民舍乾隆二十四年知州吳一嵩捐資置市房一所
以爲訓導官署在北門內街西試院在州治西係察
院舊址雍正三年署知州張球及郡屬官紳捐資創
建其制大堂五楹堂前東西號舍各十五楹上覆以
捲棚北亘大堂簷南亘儀門儀門三楹大門五楹門

光州志

卷十六

公署

七

外鼓樂樓東西各一楹又外左官廳三楹堂後川堂
三楹二堂五楹左右廂房各二楹二堂後樓五楹左
右廂房各四楹樓後又正廳五楹

爲閩
卷房

內外班房十

二間廚房九間雜房二十二間周圍繚以崇垣

雍正
二年

九月州及四屬紳士等公呈切士爲四民之首考試
爲士子進身之階歲科之役原以磨礪人才典而至
也州與光固息商舊隸汝寧州距府三百餘里而東
南直接江楚距府幾六七百里生童應試往來道路
每以爲艱今題定光固息商四縣改隸州轄考試宜
有區分而部議未及切思本省之汝州設棚分試舊
例可援今州治本有察院一所地勢寬濶房屋嚴整
畧加擴充即可建爲試院或添築號舍稱資物力各
士子情願樂輸以助公用通計四邑應考生童不下
數千所出捐資不過省道途一殮一宿之費即可作

世世無窮之利懇情各憲咨部分棚等情具呈前陞
任知州劉於本年十一月初二日據情申詳撫學兩
憲當蒙學憲於十一月二十四日咨請禮部嗣於雍
正三年二月十六日經部駁光州應設立考棚州城舊有察院
一所畧加修葺造備棚場等項州牧縣令紳衿各願
捐資不費公家毫末但三年之內歲科兩試嗣後仍
須不時修葺恐至派累地方相應劄行該學政會同
該撫確查酌定有無派累地方可否於光州新設棚
場之處移交到日再議等因到院行州隨蒙署州上
蔡縣知縣張即行光固息商四縣查議據光州及光
固息商四縣紳士等又呈稱光州向隨汝寧考試相
去寫遠士子難於應試因去歲新收直隸分轄四縣
是以竊請撫學兩憲咨部分棚考試當蒙學憲咨部
今蒙部示嗣後三年之內科歲兩考作何修葺有無
派累地方行令確查今五處士子遵繳詣察院舊所
詳加估議除現有頭門三間二門三間大堂五間二
堂五間羣房十一間無庸修葺外應添造三堂五間

文卷房八間號房三十間內外班房十五間廚房以
及雜房二十二間共估計工料銀二千一百兩有零
五處舉貢矜監每名輸銀五錢約計符數現在鳩工
修理將次完工嗣後凡遇科歲兩考五處應考童生
每名情願輸銀一錢修葺較之赴府盤費不過十分
之一並不派累地方毫末永遠為例等情到州復據
詳撫學兩憲會同咨部於本年十一月初七日蒙學
憲票行雍正三年十一月初五日准禮部劄付內開
儀制清吏司案呈先經河南學政王咨稱汝寧府之
光州改為直隸分轄四縣應設立考棚今州城舊有
察院一所畧加修葺即可安駐棚場等項紳衿各願
捐資不費公家毫末嗣後凡遇科歲兩考五處應考
童生每名情願輸銀一錢修理並不派累地方永為
定例可否應如該州所議設立考棚咨呈大部鑒裁
批示等因前來查該學政既稱會同該撫查明光州
城內舊有察院一所凡遇科歲兩考童生情願樂輸
修政並不知照該撫地方相應准其在光州考試知照該
學政並不知照該撫地方相應准其在光州考試知照該

隆二年科試州考署州事南陽府通判李升旭謫免
童生棚費接任知州顧心錯因光屬五處呈請仍舊
捐修棚場以圖久遠准復越八載知州高鑒張肇殷
又相繼革免乾隆十一年八月奉撫憲牌在部咨議
覆湖南巡撫楊錫綬奏請清釐卷價之弊湖南卷價
永行禁革其考棚自宜動支公項修理並行令各省
畫一辦理等因經知州高鑒以修理考棚應不裁革
捐項詳請憲示乾隆十二年五月藩憲議呈撫憲查
據開歸等府州各處俱有養廉公費以之公辦捐修
既不取諸卷價亦無累及士子應如所議通飭遵行
在案乾隆十四年州屬五處生員以懇存棚費以垂
久遠事具呈學憲蔡蒙批仰光州查明具報知州崔
玲當卽轉飭屬縣查議彙核轉詳光州分設考棚所
需修理棚費係咨准大部樂捐之項實與湖南所取
卷價有間前藩憲查議革免前州高牧未經通盤計
算止以小修之年估計每試需銀一百一二十兩一
州四縣尚可官爲捐修毋庸士子輸費等情詳覆是
以革免伏思前項棚費若士子捐輸或稍勉強每試

光州志

卷六

公署

九

修理考棚止用銀一百餘兩卽可無領圮之虞需費
有限誠應如商城縣所議業經兩次捐項修葺未便
再令士子捐輸今卑州細加察看綠州僻處東南界
連江楚陰雨連綿池氣潮濕一切房屋易於損壞較
諸開封等府晴多雨少者天時地勢迥不相同費用
多寡原難畫一卑州考棚自分設以來每年歲修之
外遇有坍塌隨時修葺並隔三四年必須大修一次
以故歲科兩考文武童生所輸棚費約共五百餘金
三年之內僅敷應用今止每試小修官捐銀百兩不
過臨時粘補數年之後難免傾圮一至需費浩繁官
捐力有不能而卑州分設考棚之初咨明大部不動
公家毫末又不取諸卷價與修之費日後大部議勸
捐不若先事預籌通融辦理庶於公事克濟但竟照
光因息三縣所議俯如該生等願請舊科歲兩試
捐輸棚費銀兩完官修理跡涉嫌疑且前議歲科兩
試小修官爲捐辦三年之內歲科兩試亦非急公之意請嗣
後修理考棚所有應行大修一次應請每逢歲試凡
縣官爲捐辦所有應行大修一次應請每逢歲試凡

預考文武童生每名准其捐銀一錢約計可捐銀三百餘兩足資大修應用其科試童生不必再捐棚費至所輪銀兩飭令各該生公舉篤實紳士一正一副經收修理如有多餘報明寄貯州庫存留下次大修應用不使胥役經手則士子捐輸仍聽士子應用似與定例無碍蒙學憲批所議果協輿情卽如詳辦理本年七月州仍錄詳申報撫憲蒙批查明從前議詳原案申覆未經飭遵嗣於乾隆十六年九月又據光屬五處生員復以公願輸誠酌捐棚費以垂久遠事具呈州於雍正三年建立考棚當因歷年修葺無出公議文武童生每歲各捐錢百文詳明學憲咨部在案嗣於乾隆十年奉部禁革卷價棚費行令各省畫一辦理但試院堂宇號舍百有餘間修葺需費浩繁苦累提調解囊倘或公費無措又或新舊未接學憲按臨期迫房舍不敷安插勢必借棚調考其道路動經三百餘里途次盤費既艱風雨跋涉更苦各屬廩保及應試童生並爲切慮因協同集議試院三年必須大修一次現在號舍盡圯非預備有資萬難經久

光州志

卷六

公署

十

公願歲試仍各按名捐錢百文衆擎易舉雖寒士亦可不煩拮据實屬公私兩便經護州固始縣知縣徐若階據呈查案申請批示飭遵於本年十二月蒙撫憲批查閱全卷光州士子捐輸棚費會經咨部有案原係士子各欲分棚就近考試所以每名捐銀一錢專爲修理考棚與各省投卷納費者不同若不准其捐修光屬止有四縣不能修棚難於考試士子又需遠涉均有未便但歲考旣已捐修科考爲時未久何致遂就頽圯若科考亦復捐輸是又與卷費無異有干例禁前州所請歲考捐修一次已屬公平惟交紳士經管修理官不經手以示其公殊不知紳衿多屬不妥將來必有以工大費繁一次所捐不足又請科試再捐議論鑿起未爲長策卽轉飭遵照前州所議每歲考捐銀一錢計銀三百餘兩交官爲修理考棚之用歲考代科尚有多餘留爲科考粘補仍造冊存案新舊交代理不得再捐其學院撥臨一切費用仍照通省事例官動公費應辦不得動用此項修費繳此案前州旣經請示又不具詳止用驗報是以

前院查取原案及十五年二月將原詳申送火未批
行該州亦不請示以致沉擱至今前後州皆不免於
疎忽並飭行光山縣署在城西北隅明洪武三十年
州遵照在案

知縣黃德昭創建景泰四年知縣郭寧重修萬歷二

年知縣韓志道建寅賓館於儀門外後十二年知縣

牛應元建戒石坊於甬道中二十二年知縣陳于庭

增建堂後正廳及書館二十八年知縣李養正增建

廳後正樓三十一年知縣錢鑄修建譙樓

國朝順治十一年知縣管聲駿重修大堂堂前創建

捲棚五楹又重修二堂創建川堂三楹康熙二十四

光州志

卷十

公署

十一

年知縣楊之徐重修書吏房東西各四間乾隆三十
四年知縣吳爲墉以年久坍塌詳請借項通修典史
署在縣堂東教諭署在明倫堂後訓導署在明倫堂
西固始縣署在城西北隅大門三楹門內東有寅賓
館三楹西有收糧房三間儀門三楹門內戒石亭一
所書吏房東西各八間皂隸房東西各一間大堂三
楹銀庫在大堂左右各一楹二堂三楹三堂五楹東
院樹德軒三楹廂房二楹入內紫芝亭三楹對廳四
楹又內二須齋三楹廂房二楹西院玉壺堂三楹可

琴軒三楹廂房二楹內宅正室三楹東西耳樓各二楹東西廂房各三楹室後思過閣五楹東西小房各一楹東西圍房各八間縣丞署在縣堂東典史署在前創建及繼修人姓名舊志皆失載惟續志載思過閣係順治十三年知縣張擇中重建乾隆九年知縣包桂重修三十三年知縣陸元鼎以全署就地借項通修本年縣丞戴鑑亦借項修理丞署教諭署在明倫堂後偏東訓導署在堂後偏西巡檢署在往流集

光州志

卷十六

公署

十一

雍正十二年建息縣署在城東北隅卽金元以來舊州治明洪武四年置縣六年知縣陸顯章始創修大門上建譙樓萬歷四年知縣王用賓繼修

國朝順治六年知縣劉養明重修內儀門三楹戒石亭一所書吏房東西各八間俱弘治三年知縣康泰修順治六年知縣劉養明改建書吏房東西各五間大堂三楹東西庫二楹在大堂左右二堂五楹俱天順元年知縣陳堅修嘉靖二十年知縣鄭津題三堂曰後樂堂前東西廂房各三楹堂西退思軒三楹

嘉靖二十九年知縣侯邦鎮建堂後正廳五楹廂房五楹後廳三楹廂房三楹俱知縣王用賓建又後遷喬樓五楹係萬歷二十三年知縣李如松建順治十年知縣邵光蔭重修嗣後歷任知縣每歲各有補修典史署初在大堂東南今改建大堂西南教諭署在學宮東訓導署在學宮西商城縣署明成化間建於城之中心與城南小伏山對崇禎十四年燬於寇

國朝順治三年知縣衛貞元因民居之未盡燬者捐俸重置公署在今城之東北隅時草創未就康熙三

光州志

卷六

公署

三

十年知縣許全學創建大堂五楹川堂三楹三堂五楹東西耳房各三楹堂後樓五楹曰視遠堂東正庭五楹庭後書室兩層俱五楹銀庫在大堂右堂下東西爲書吏房前爲儀門又前爲譙樓典史署在縣治西北隅教諭署在明倫堂西北訓導署在教諭署南巡檢署在牛食阪乾隆十八年建按衙署之設悉有定制如祗爲息肢體養妻孥彼數椽之屋可以棲遲豈得以一行作吏卽營念華崇若爲竦民望敬官守則堂廉階陞實不可以不肅梁棟榱桷實不可以不

堅吏胥供事必有痺靡家牘勾稽必藉室齋使蕭任
其湫隘漫漶則又非視事臨民之道矣今之爲吏者
每以官廨爲傳舍墁聖補苴唯昕夕是遲畧不加意
甚或任爲鼠坻蟻坦不可坐對此不過以縮符分符
易置不常何必以公家事視爲私事異哉爲此念者
其自私自利之謀非唯不可以對同官而出政臨人
之際苟且塞責諸物廢弛已可概見其何以御對吾
君俯對吾民耶昔魯叔孫婣所館雖一日必葺其牆屋
漢郭泰每行宿逆旅必躬自灑掃此皆傳舍也亦昔
苟處猶如此而况公廨爲堂皇之地有所從變而
之無窮者乎後之君子觀叔孫昭子與郭氏看道
風當必憬然心動矣

光州志卷十七

直隸光州知州高兆煌總修

戶口志

衆非元后何戴后非衆罔與守厥邦卽民數之消長可以驗國家之盛衰故周官司民掌登萬民之數自生齒以上皆書於版辨其國中與其都鄙及其鄰野異其男女歲登下其死生及三歲大比以萬民之數詔司寇司寇及孟冬祀司民之日獻其數於王王拜受之登於天府內史司會冢宰貳之以贊王治而遂

光州志

卷七

戶口

一

師遂大夫鄫長里宰及鄉師鄉大夫族師閭胥各以時登其夫家之衆寡歲終則六鄉六遂胥致其事於大小司徒先王之於民之戶口其詳密如此其至者以民爲邦本不敢不重其生故也於時用民之力以歲上下豐年則公旬用三日焉中年則公旬用二日焉無年則公旬用一日焉凶札則無力政其戶口之數約一千三百七十萬四千九百二十有三此周之極盛也戰國以來周制廢壞至秦用商鞅之法月爲更卒已復爲正一歲屯戍一歲充役其用民之力殆

三十倍於古矣漢初循而未改至四年八月初爲算
賦人十五以上至五十六出賦錢人百二十爲一算
爲治庫并車馬而傳給徭役則始自二十至五十六
而除是民之一身旣稅之復役之也十一年減算賦
率人歲六十三錢文帝偃武修文丁男三年而一事
民賦四十武帝建元元年詔民年八十復二算元帝
時貢禹請民年二十乃算東漢永平九年徙朔方者
復口算元和元年人無田徙他界者除算三年二年
詔曰令人之有產子者復勿算三歲令諸懷妊者賜

光州志

卷七

戶口

二

胎養穀人三斛復其夫勿算一歲著以爲令曹魏初
平袁氏定鄴都制賦戶絹二匹綿二斤晉平吳之後
制戶調之式丁男之戶歲輸絹三匹綿三斤女及次
丁男爲戶者半輸其諸邊郡或三分之一遠者三分
之一男女年十六以上至六十爲正丁十五以下至
十三六十一以上至六十五爲次丁十二以下六十
六以上爲老小不事劉宋大明中王敬弘上言舊制
人年十二半役十六全役考之見事猶或未盡體有
強弱不皆稱耳循吏恤隱可無甚患庸愚守宰必有

勤劇况值苛政豈可稱言至今逃竄求免胎孕不育
乃避罪憲實亦由茲今皇化維新四方無事役名之
宜應存消息十五至十六宜爲半丁十七爲全丁從
之元魏令每調一夫一婦帛一匹粟二石北齊清河
三年令男子十八以上六十五以下爲丁十六以上
十七以下爲中丁六十六以上爲老十五以下爲小
宇文周置司役掌力役之政凡人自十八至五十九
皆任於役豐年不過三旬中年則二旬下年則一旬
起徒役無過家一人有年八十者一子不從役百年

者家不從役廢疾非人不養者一人不從役若凶札
亦無力征隋初男女三歲以下爲黃十歲以下爲小
十七歲以下爲中十八歲以上爲丁以從課役六十
爲老乃免開皇三年乃令人以二十一成丁大業二
年男子以二十二爲丁每年正月五日縣令巡查人
數各隨近五黨三黨共爲一團依樣定戶上下唐制
民始生爲黃四歲爲小六爲中二十一爲丁六十爲
老定天下戶量其資產定爲三等後以三等未定升
降分爲九等凡丁附籍帳者春附則課役並征夏附

則免課從役秋附則課役俱免其冒詐隱避以免課役者不限附之早晚皆征之每歲一造帳三年一造籍州縣留五比尚書省留三比賦有常規人知定制貪冒之吏莫得生姦而使臣置制各殊或有輕重未一仍屬多故兵革洊興舊額旣在現人漸艱民之凋敝卒至已甚宋乾德元年令諸州歲奏男夫二十爲丁六十爲老女口不預雍熙元年令江浙荆湖廣南民輸丁錢以二十成丁六十入老并身有疾廢者免之大中祥符四年詔除兩浙福建荆南廣南舊輸身

光州志

卷十七

戶口

四

丁錢凡四十五萬四百貫嘉祐四年詔永道郴三州及桂陽軍茶陵縣民丁錢無業者與除放有業者減半兩浙人戶歲有丁鹽錢皇祐中許民以紬絹依時直折納謂之丁絹自鈔法旣行之後每丁仍增丁身錢大觀中始令三丁絹一匹其後物價益貴乃令每丁輸絹一丈綿一兩建炎以後屢有蠲免至開禧元年始永與豁除又湖州兩淮俱有丁錢二廣凡民間父祖年六十以上而身丁未成者亦行科納謂之掛丁錢朝野雜記云大抵丁錢多僞國所創唐之庸錢

楊炎已均入二稅而後世差役復不免是力役之征
旣取其二也本朝王安石令民輸錢以免役而紹興
以後所謂着戶長保正雇錢復不免是取其三也合
丁錢而論之力役之征蓋取其四矣而一有邊事則
挽夫之令又不得免是取其五矣通力役之征計之
民安得不困乎元太宗初倣唐之庸法制丁稅每戶
科粟有額至丙申年乃定科徵之法令諸路驗民戶
成丁之數每丁歲科粟一石驅丁五升新戶丁驅各
半之老幼不與虛配不實者杖七十徒二年至元十

光州志

卷十七

戶口

五

七年命戶部大定諸例有全科戶丁稅有驅丁稅有
半科戶丁稅有新收交叅戶丁稅有協濟戶丁稅丁
稅之外科差之名有二曰絲料曰包銀其法各驗其
戶之上下而科焉中統元年定戶籍科差修例其戶
不一有元管戶交叅戶漏籍戶協濟戶於諸戶之中
又有絲銀全科戶減半科戶止納絲戶止納鈔戶又
有攤絲戶儲也速解兒所管納絲戶復業戶并漸成
丁戶戶旣不等數亦不同先是絲料或二戶出絲一
斤或五戶出絲一斤包銀始徵六兩旣徵四兩二兩

及定條例以後其徵數多寡各視其戶以爲差明洪武十四年詔天下編賦役黃冊以一百十戶爲一里推丁糧多者十戶爲長餘百戶爲十甲甲凡十八歲役里長一人甲首一人董一里一甲之事先後以丁糧多寡爲序每十年有司更定其冊以丁糧增減而升降之冊凡四一上戶部其三則布政司府縣各存一焉上戶部者冊面黃紙故謂之黃冊年終進呈凡戶三等曰民曰軍曰匠民有儒有醫有陰陽軍有校尉有力士弓舖兵匠有厨役裁縫馬船之類瀕海有

鹽竈寺有僧觀有道士畢以其業著籍人戶以籍爲斷禁數姓合戶附籍漏口脫戶許自實時均徭減賦民得蕪息至嘉靖間以三事定均徭有銀差力差馬差之分然以後指一科十徵求無藝民殊苦之隆萬以來行一條鞭法頗爲簡便而崇禎三年河南巡撫范景文言民所患者莫如差役錢糧有收戶解戶驛遞有馬戶供應有行戶皆僉有力之家充之名曰大戶究之所僉非富民中人之產輒爲之破產後爲條鞭法以境內之役均於境內之糧宜少懸矣乃民間

仍歲奔走罄資津貼是條鞭行而大戶未嘗革也弊政毒民卒致亡國我

朝定鼎以來招集流亡惠養休息如天之覆如地之載重熙累洽抵今百有二十餘年生齒繁殖遍海內外版圖所載奚啻萬億康熙五十二年

聖祖仁皇帝詔云海宇承平日久戶口日繁地畝並未加廣宜施寬大之恩共享恬熙之樂嗣後直隸各地方官遇編審之期察出增益人丁止將實數另造清冊奏聞其徵收錢糧但據康熙五十年丁冊定爲常額

光州志

卷七

戶口

七

續生人丁永不加賦雍正四年

世宗憲皇帝允本省撫軍田公文鏡之請令直省各邑丁糧均派於各邑地糧之內無論紳衿富戶不分等則一例輸將以昭畫一以垂永久統於雍正五年爲始攤入地糧內徵收今民自黃童以至白髮皆出作入息安享太平除夏秋兩稅而外並無纖毫科累於戲民生於今何其幸歟考歷代戶口之數前漢時弋陽新息陽安期思鄴新鄆卽今州及固始息縣商城地隸於汝南其縣三十有七得戶四十六萬一千五百

八十有七口二百五十九萬六千一百四十有八西陽與軼卽今光山隸於江夏得戶五萬六千八百四十有四口二十一萬九千二百一十有八又零婁亦今固始舊地隸於廬江其縣十二得戶十三萬四千三百八十有三口四十五萬七千三百三十有三東漢汝南郡亦三十七城戶則四十萬四千四百四十有八口則二百一十萬七百八十有八江夏郡亦十四城戶則五萬八千四百三十有四口則二十六萬五千四百六十有四廬江郡又增二城爲十四城一

蓼侯國亦今固始地戶則十萬一千三百九十有二口則四十三萬四千六百八十有三晉時汝南郡統縣十五新息陽安隸焉共得戶一萬一千五百先魏分汝南爲弋陽郡統縣七西陽軼期思弋陽隸焉至晉時共得戶一萬六千七百又分汝南爲汝陰郡統縣八固始宋侯相褒借隸焉至晉時共得戶八千五百又分廬江爲安豐郡統縣五零婁與蓼隸焉至晉時共得戶一千一百自晉以迄南北朝兵革頻仍地郡屢析其戶口之數皆不可確指至隋汝南郡統縣

十一新息褒信隸焉共得戶十五萬二千七百八十八
有五弋陽郡統縣六曰光山曰樂安曰定城曰殷城
曰固始曰期思皆今州之全郡地共得戶四萬一千
四百三十有三唐蔡州汝南郡領縣十有褒信新息
共得戶八萬七千六十有一曰四十六萬二百有五
光州弋陽郡領縣五曰定城光山仙居殷城固始共
得戶三萬一千四百七十有三口十九萬八千五百
八十宋蔡州汝南郡統縣十有褒信新息共得戶九
萬八千五百有二口十八萬五千一十有三光州弋

光州志

卷十七

戶口

九

陽郡統縣四曰定城固始光山仙居共得戶一萬二
千二百六十有八口十五萬六千四百有六十元息
州領二縣曰新息褒信光州領三縣曰定城固始光
山戶口數缺明光州領今四縣隸汝寧洪武間戶二
千一百六十有七口一萬四千六十有三至萬歷年
戶三千七百九十有二口八萬四千五十有六光山
洪武間戶三千九百二十有四口二萬二千八百四
十有九至嘉靖年戶四千八百三十有三口五萬二
千二百一十有四固始洪武間戶一千七百三十有

七口七萬一千八十有成化十一年置商城縣分
固始戶一千七十有七口二萬一千四百九十有三
隸商城固始存戶九千八百五十有三存口五萬二
千三十有八至萬歷年滋戶一萬八百六十有七口
五萬三千八百八十有九息縣洪武間戶一千四百
五十有二口一萬二百五十有四至嘉靖年戶四千
二百八十有八口四萬四千六百四十有七商城戒
化間戶一千七十有七口二萬一千四百九十有三
至萬歷年戶一萬有奇口五萬九千六百六十有三
光州志 卷七 戶口 十

籍

至崇禎末年州及四屬屢遭兵燹人口流亡尸存空
國朝順治初年州戶數舊志失載口祇一千一百八
十有九至康熙初滋口三千三百五十有六三十年
滋口六千一百三十有一乾隆二十二年清查保甲
又滋戶四萬五千九百七十有七口男婦大小共十
七萬八千八百二十有九光山戶一千有奇口一萬
一千九百七十有一至康熙三十五年滋戶一萬五
千四百八十有二滋口三萬八千六百一十有七乾

隆二十二年又滋戶三萬四千六百八十有二口十
五萬五千九十有二固始戶數舊志缺口二千六百
有五至康熙二十九年滋戶一千有奇口一萬一千
二百四十有六乾隆二十二年又滋戶五萬八千七
百七十有九口十八萬三千八百九十有六息縣戶
數萬志缺口一千三百九十有六至康熙元年滋口
五千二百七十有六二十六年滋口一萬二百五十
有五乾隆二十三年又滋戶五萬一千一百一十有
八口二十四萬九千七百三十有六商城戶口數舊

光州志

卷十七

戶口

十一

志缺至康熙二十八年丁口七千八百七十有九乾
隆二十二年滋戶三萬六千九百有六十口一十二
萬九千四百六十有九按古者司民協孤終司商協
民姓然後授之以事而勾稽之以籍民之戶口有成
數而不苦以庸調之難故曰空而稅增役衆而兵強
此國家之福也三代以後漢治最爲近古宣帝時膠
東相王成所上計簿流民自占八萬餘口遂錫爵關
內侯秩中二千石可謂知所本矣我

朝初當明季之敝戶口流散十室九空

列聖勤恤民隱不遺遐遠薄賦輕徭引養引恬今

皇上御宇以來煦育漏濡湛恩汪濊如置之廣廈之下
登之衽席之上以故百有餘年而滋息蕃衍遂致不
能悉數戶口之盛洵前古所未有矣雖然保庶之道
一曰富之再曰教之

聖天子加意元元其謀所以富之教之者仁心仁政固不
可以殫舉而承奉德意實措之於民則在郡牧與邑
宰嘗念京師衢巷之間人跡往來充斥駢闐肩摩踵
接入晚街鼓一動卽各屏身退息闔無人踪以安身

光州志

卷十七

戶口

七

各有其所不致懸而無薄故也昔管仲相齊使四民
各居其所其心安焉不見異物而遷焉故士之子恒
爲士農之子恒爲農工商之子恒爲工商人旣有所
自無人滿之患漢刑法志云滿堂飲酒一人向隅則
滿堂爲之不樂今之爲牧令者能不忍民之失所其
於教養之政自必實心經畫矣

